

廣東通志初崇卷之三十二

昇石戴璟采輯

軍制

叙至治之世不言兵而亦不忘兵若稽成周卒兩軍師之

衆皆如虎如貔如熊如羆此豈出於比閭族黨之外哉

要之即侯主侯伯侯亞侯旅之人也漢唐南北府軍猶

有古意然再變曰七科曰彍騎三變曰州兵曰方鎮宋

之三衙四廂初亂於荆公次廢於童貫噫青草陸梁胡

兒及戈帝駕蒙塵謂非兵制之壞不可也我

朝憲天爲治而兵政有紀尤超出前代之上是故內有禁
軍府兵外有衛所營堡而總之以兵部隸之以五府轄
之以都閫董之以兵備若廣服僻在南隅而又有都憲
以提督之有侯伯以總領之有叅將備倭等官以分理
之此其制酌古準今卓乎不可尚已頃者觀風茲土則
見邊報交馳不曰海寇之掠商旅則曰山賊之劫鄉村
也不曰其鄉之殺若干人則曰某都之燒若干家也於
是移文軍衛巡司而使戴罪擒賊亦不過虛文抵塞而
已乃責之民壯達舍狼兵而凡舟車鹽鐵各色之征盡

充軍餉每開府庫輦金帛若有所負群起噪呼夫我
國家之養兵如此其優也是宜足輕險阻而手易器械聰
明足以赴旗鼓之節而強銳足以冒死傷之地柰之何
一聞寇敵瓦解星散如司馬光之所論亦有之矣以東
廣事勢觀之門庭之寇莫大於羅旁綠水四會之擒賊
萬一不逞其誰爲結草之衛哉譬之敝廬補其輿則隅
壞整其楹則棟傾徒以支撐目前聊蔽風雨而已曷若
昭我神武不殺之威而以法象規矩大爲整頓哉故嘗
讀左傳則見城濮鄢陵之役皆不過犯偏裨而獵將卒

固非若後世僵尸成丘流血成川者何也蓋民各推其
壯者以為兵而晉殺先穀楚殺得臣兵法凜凜然不可
犯也是故養兵不如練兵練兵不如汰兵今之驍勇打
手每資以為先鋒有能鼓舞而使之挾纊孰不可為擲
劍凌空妙捷若神哉孰不可為擊鐵舞馬往來如飛
哉今之武官徒讀父書自甘債帥若有韓范駕馭之於
上又孰不為廉頗強飯為馬接據鞍哉嗚呼乃一德一
心尚迪果教予白面書生豈能知此

秦南戍五嶺

始皇始并天下分為三十六郡置材官南戍五嶺五十餘萬出文獻通考

唐天寶元年嶺南五府經畧使統經畧清海二軍及桂容

邕交四管

是時天下葺教所被之州三百二十一羈縻之州八百置十節度經畧使以備邊嶺南五

府經畧經畧靜夷僚統經畧清海二軍桂容邕交四管治廣州兵萬五千四百人桂府兵千人容府兵千一百人

邕府兵千七百人出資治通鑑

宋初制廂兵

今諸州選所部兵送都下又選其精壯者為兵式分遣諸州如式教練俟精熟送諫三衙

謂之禁兵其留者為廂兵無教閱但以分給官府牧畜繕脩之役淳化四年詔各州應

馬逾舖兵士並於廂兵內輪差二年一替景德五年詔

遣使往廣南諸路會諸臣僚簡選配隸軍慶曆中詔

收廣南巡海水軍忠敢澄海皆予旂鼓訓練備戰守嘉

祐四年詔諸州各置就糧禁軍教閱如法於是東南教閱廂兵以威

勇忠果壯武為號嘉祐七年定廣南西路土丁籍稅應

常役外五丁點一為之凡得三萬九千八百人分隊五

行陣習鎗鏢牌冬初集州按閱後通州縣送教察視

祥符二年議練選四月詔曰江南廣東西路流配人等

每用軫懷層喬嶽之增封冷薄天之大慶不拘常例特

示寬恩江南路宜差內殿宗班段守倫就昇州廣南東

西路差殿直間門祿侯彭麟就桂州與本路轉運使同

勾抽諸州雜犯配軍練選配桂州軍宇城及本城

有不量壯後及赴闕者亦聽若地里遠處即與轉運使乘

傳就彼依議訓練禁軍月奉五百以上皆口習武藝三

此練選議訓練百以下或給復或習技其後別募廂

兵亦閱習武技號教閱廂軍成川廣者議屯戍成更

舊不訓練嘉祐以後稍習焉出宋史

廣南西路二年景祐三年詔廣桂州置軍界一營與歸遠軍更戍嶺外

熙寧中兵部言諸路

廂軍名額很多其間因事募人者事在未可廢其餘

不教閱廂兵移將如禁軍法奏可遂下轉運司以州高

下大小為序如自某州第一指揮差次至某州凡為若

造船塢駕網水軍本城馬軍城面水軍通角場因事不

廢其餘騎軍之額二水軍之額十並改號曰清化凡八

十二指揮一萬二千七百八十分屯諸州初太祖立熙

寧更制後詔團結東南諸軍如京畿之法共十三將廣

南路為第十一九諸路各置將副一人兵千人以下唯

置單將凡將副皆選內殿崇班以上嘗歷戰陳親民者

充是諸路始有禁軍之名

於諸路置翼有千百戶鎮撫等官設萬戶府以總領

之翼猶今言衛也因有左右翼而稱之

國朝洪武初平章廖永忠叅政朱亮祖取廣東遂命

亮祖鎮守建置諸衛所分布要害十七年又以島夷

之患設沿海諸衛所築墩臺每百戶所正軍百人總

旗十人小旗二十人十百戶所為千戶所統以諸衛衛

必五所而又有都衛以總制之後改為都指揮使司隸

前軍都督府其尺籍初選於投降歸附不足則籍民三

丁之一及犯罪編配以充之其教閱征調戍守候望皆

具令甲云

諸司職掌凡內外衛所軍士俱有定數大率以五千大

一百一十一名為一衛一千一百二十名為一千戶所

所統則一每一百戶內設總旗二名小旗十名管領鈐

東大小相維以成隊伍

聚集民兵按周制兵民為一侯國有警則起其境內

丘甸之民為兵鄉將中軍上大將上軍

下大夫將下軍士充備裨事畢散而為民王國有事

則起畿內之民為兵其或不足則命各國起兵以從

王事公將中軍鄉將上軍命大夫將下軍內史為司

馬畢事散而為民兵將相諳文武為一此其善之善

者也秦廢封建為郡邑此法頌亡由漢而下故民遂

分惟唐府兵畧仿古制行之未幾竟為藩鎮所壞我

命天下衛所有守禦之兵有屯田之兵兵數不足則
 二戶其保一兵民兵相兼猶存古意後來衛所兵缺
 民之犯罪者俱問邊遠充軍起解則逃無一兵至于
 衛所世之議者以為皆問附近朝逃夕勾庶可補缺
 然非善之善者也惟遵洪武保集之制凡民戶者悉
 梁為軍無復民戶比於洪武舊法再增田丁或一戶
 有六丁者方保一兵或二戶有三丁二丁者為正貼
 二戶其保同兵其原舊軍戶有三十丁者分為二戶
 有五十餘丁者分為三戶通融那補多少適均則軍
 伍衆矣軍伍既衆分為三班如第一年起第一班
 第二年起第二班第三年起第三班如或第一班
 并起二班上府知縣支糧下班者不支則兵食足矣府
 縣有警則知府知縣為制將指揮千戶為戰將一省
 有事則布政按察使為制將都指揮使僉事為戰將
 則兵帥強矣舊例軍戶不許分拆人或二十丁至三
 五十丁田或十頃至二三十頃遂為大戶每遇造冊
 則日田丁多者為里長遇徭役則日田丁多充重役

及編民壯當以民戶為之抑其奸詭每三年差官清
 軍止其未解見解及在逃者其隱匿巧避理沒者則
 無如何依乎清理日繁軍伍日缺矣軍伍既缺一有
 征後即行各縣起雇打手或五百名或一千名每
 一月雇銀六錢衣甲器械出於里役其為民害可勝
 言哉誠遵保集之制斷而必行則免清軍之擾而隱
 理無所施免民壯之後而浪費可以省免打手之雇
 而後患可以除蓋打手既從征戰膽大心粗一不從
 征則無顧食又不支糧俯仰無聊肆為盜打劫鄉
 村縱橫海島其患必至矣如有畏天命悲民窮者舉
 保集之法而必行之兵不足役不省
 民不蘇而天下不安寧者未之有也

廣東都指揮使司

設軍政僉書備倭等官而於高肇
 復設參將一員帶都司職銜皆由

撫按保陞兵部選用其所轄廣州左等衛增城等所
 凡為衛所共六十二惟省城則有左右前後四衛以
 宅中而制外沿邊則若南海清遠惠州肇慶潮州碣
 石廣海神電雷州廉州海南諸衛以捍外而固內其

所屬則有增城德慶新興韶州南雄陽江新會連州香山海朗雙魚高州寧川海安海康樂民錦囊永安欽州昌化儋州清瀾萬州南山崖州河源龍川長樂程鄉大城蓬州海門靖海甲子門捷勝海豐平海大鵬東莞從化龍水四會陽春信宜靈山石城新寧等所皆統諸衛以部分領屬者內香山九所直隸都司祖宗立法之意有在云

各衛所 指揮千百戶官九百一十四員。都指揮七員。指揮使四十一員。署指揮使四員。指揮同知五十六員。署指揮同知七員。指揮僉事八十二員。正千戶一百一十四員。署正千戶七員。副千戶一百九十二員。百戶二百九十六員。試百戶五十六員。署百戶四員。衛鎮撫九員。所鎮撫三十九員。旗軍一十二萬五千四百四十名。守城八萬一千九百八十四名。屯田四萬三千四百五十六名

軍需附

巡按御史戴璟議首得衛所職承祖父俸給亦合肥饒軍士命倚月糧上人須當撫恤奈何膏梁子弟終生乾沒錢神况夫炎海武并大半棄捐毛錐是故過出錙銖費用遂開倍蓰科條且或徵之正軍屯餘軍吏而甲乙頓殊或取之屯田舖店地租而贏縮互異蓋各色之規制未定故千方百計以敢肆鑽求每年之侈糜頗繁乃月鍊歲鍛而自安飽沃較之浙江例額加倍誰之咎哉致令軍士半伍空虛亦可悲矣今欲更定中制建立隄

防若矯枉太急則將來架屋疊床而愈繁若承訛不節
又何以挾纊投石以相生又經行廣州前衛指揮王寵
等及通判馬坤等稟議呈詳俱不遂欵查議似於事體
尚疎且全派餘丁出辦未免偏累人難若額令正軍承
當必致逃亡伍缺本院通宵廢寐坐旦長思每一冊必
吊底稿而算其紙劄工食之若干每一條必查卷宗而
度其各司該道之應否雖廣東異制異宜異俗物情不
可遽齊但天下同軌同文同倫

國法合當歸一如果本院所竭一得之愚可垂一方之式

刊書發屬中間倘有空碍亦要各整所見以破積年蹈
襲之愆以昭永世畫一之法云

一進賀表箋者得各衛所每
年三次拜進

萬壽冬至正旦表箋據廣州四衛開報每通銀一兩四錢
計十一通共用銀十五兩四錢遇有千秋各項

表箋另行查議外先年俱派屯丁出辦嘉靖九年蒙巡按
兩廣監察御史楊紹芳議在本衛并五所官負論職

崇卑指捧出辦嘉靖十三年該四衛掌印官議照先
年事體派於屯田余丁出派南海衛報銀十一兩清

遠衛十二兩肇慶衛十五兩八錢六分六厘惠州衛
三十兩碣石衛二十九兩一錢增城所十五兩六錢

從化所二十四兩新會所十二兩九錢六分新興所
十二兩八錢七厘韶州所十二兩三錢其餘未報衛

所大畧相同為照廣州四衛原議衛所官負指捧出
辦固為恤軍之意但近年各官多錄事住俸誠恐措

用不及反致遲悞今准四衛各官議於嘉靖十三年
屯田銀事例出辦及照所費當同一例豈容多寡不
同今宜照依本院定擬有司進表則例每衛所且
用銀十四兩之數不許任意多科取究仰各查照施行

一貼表紅索路費銀

看各衛所開報每年貼都司進
表紅索路費銀兩多寡數目不一

已行都司開報每年南海清遠肇慶廣海碣石惠州
潮州神電雷州廉州海南十一衛每衛

萬壽表出銀一兩八錢 冬至 正旦二項表每衛出銀
共二兩三錢三分南雄韶州德慶瀧水新興陽江新

萬壽表每所出銀七錢三分 冬至 正旦二項表每所
會增城從化九千戶所

出銀共一兩三錢二分外屬東莞大鵝連州香山海
朗海豐平海捷勝甲子門河源龍川長樂海門靖海

大城程鄉蓬州信宜高州寧川雙魚樂民錦囊海安
海康欽州永安萬州崖州儋州昌化清瀾南山三十

萬壽表每所出銀五錢 冬至 正旦二項表每所共出

銀八錢廣州四衛止出擡表軍與守鎮四會陽春
石城靈山四所係是在衛內五所之數俱無貼進紅

索路費銀兩為照先年都司不魯派有公用銀兩相
沿派取各衛所貼解嘉靖十二年已經撫按將總鎮

鋪銀二百九十三兩准都司公用所謂公用正謂該
司日用紙劄工墨蠟燭公宴赴京盤費而言今查得

將此銀賣送紗帕置辦席面大半浪費合行酌處今
後都司自行進表盤費俱於公用銀取用並不許

科派各衛所其兩次差官進表每次照布按二司
差官二十八兩之數兩次共五十六兩除廣州四衛

不派外每衛每年二次共四兩九所每所一兩三錢
三分又照在外衛所其間開報每進表官負盤

費多寡不一蓋緣路程遠近不同而海南海北衛所
俱已依律給驛應付若令徑進至都司尤為繁費隨

查各州表文俱進至本府與本府一同類進實為
省便今宜定擬衛屬外所俱依期差官同路費銀齎

進衛收候類齊一衛外屬所分并本衛表文一同
差官進至都司其各所與衛差官俱經行有同起關

給驛應付陸路馬一匹擡表夫二名水路紅船一隻至於回還不給盤費尤非人情所堪除各所差官到衛路程不遠不必支給外各衛差官計定路程每還合將各衛所路程該給銀兩數目定擬南海衛增城所計二站該銀一錢惠州衛清遠衛德慶所各五站該銀二錢五分潮州海南海南二衛各計十七站該銀八錢五分肇慶衛計三站該銀一錢五分神電衛瀧水所各計分該銀四錢雷州廉州二衛各計十四站該銀七錢廣海衛俱無驛遞往來給銀一兩二錢南雄所計十三站該銀六錢五分韶州所計十站該銀五錢新興所計六站該銀三錢陽江所計九站該銀四錢五分新會從化二所各計一

一軍務用

字銀九分裝釘銀六分貼解盤纏銀五錢共銀七錢五分其餘各衛所俱無貼解銀止開紙劄工食銀兩南海衛六錢惠州衛二兩肇慶衛歲季報共五

錢七分碼石衛九錢六分增城所一錢八分從化所八錢新會所一兩新興所一錢九分六厘韶州所八錢八厘四毫為照造報前用事同一體而各衛所開分八厘四毫不一若以九分八厘四毫計之似為過少八報多寡不一若以九分八厘四毫計之似為過少八錢以上又屬過多今查廣州四衛每年一造冊三本計用雙牌紙八十張該銀一錢二分書寫工食裝釘共銀一錢五分通該銀二錢七分數頗適中但衛與所不同今定擬每衛紙劄工食共用銀二錢七分外廣州四衛加貼解盤纏銀五錢其各守禦所各用銀一錢五分仰各查照施行

一旗役併鎗用

看得各衛所開報紙劄工食銀廣州左

八厘前衛二兩九錢七分二厘後衛二兩五錢七分

二重肇慶衛一兩一錢七分二厘石衛四兩六錢四分增城

所一兩五錢五分新興所七錢五分二厘清遠衛八錢每年

二錢六分七厘惠州衛三兩每年一兩清遠衛八錢每年

一兩二錢每年四錢俱稱三年一造惟新會所五年

一造用銀八錢其餘衛所俱無開報為照前項併鎗旗役用俱同一樣今各衛所開有一年三年五年一造之殊用銀有二兩三兩四兩之異查得廣州四衛底冊原奉勸合係一兩一造每年造冊三本大約共用竹料紙二百張每百張價銀七分共銀一錢四分寫字裝釘工食共銀四錢八分通計銀六錢二分頗為中制今宜定為一年一造每衛派銀六錢二分守禦所各派銀三錢仰各查照施行

一軍器冊

看各衛所開報紙割工食銀廣州四衛各五錢五分增城所三錢七分新會所一兩新興所三錢五分三厘其餘各衛俱無開報為照前冊各衛所俱有造報似不可缺但開報銀數多寡不同查得廣州四衛底冊計紙十四葉三年一造查盤造報計冊十分本大約該用雙牌紙一百七十張共計銀二錢五分寫字裝釘工食共銀三錢二分通共銀五錢七分頗為中制今後定擬三年一造各衛每年派銀一錢九分各守禦所用銀二錢二分每年派銀九分仰各查照施行

一歲支冊

看各衛所開報紙割工食共用銀廣州四衛各一錢九分七厘五毫南海衛二錢五分清遠衛并從化所各二錢肇慶衛五錢三分七厘惠州衛一兩碣石衛八錢五分增城所六錢九分新會所一兩今四分新與所三錢五分六厘韶州所一錢二分一厘八毫歲支冊左右後三衛開報各四錢有零前衛三錢零南海衛二兩清遠肇慶二衛各五錢零惠州衛三兩碣石衛一兩八錢零增城所六錢九分從化所二兩五錢新會所一兩六錢新與所四錢六分韶州所一錢八分零其餘未報衛所大率相同緣照衛所造報前二項文冊不過工食紙割而何用銀多寡不同及查得歲用冊開報衛所官旗歲支冊開報官軍各一年該用該支本折色俸糧米石數目事情由語俱各相類夫一樣文冊豈宜分別兩起造報浪費錢糧今宜除去歲用冊不造併作歲支一冊以節省繁費查計四衛歲支底冊大約一本連皮用紙四十葉計冊三本竹紙底冊一本該銀一分五厘單牌紙二本該銀六分四厘寫字工食裝釘用銀

二錢今從寬約算每衛通共用銀五錢各守禦所官軍數少用紙不多每所定銀一二錢仰各查照施行

一春耕冊 看得各衛所開報紙割工食共用銀廣州四

兩新會所六錢韶州所九分南海等衛所俱無開報與其餘各該衛所大約相類為照各衛所造報前冊

紙割工食大抵數目相同今各開報多寡懸絕計其九分之數以為過少六錢之上又屬泛濫但衛與所

冊有差等查得四衛底冊一百六十餘葉今定擬每衛用銀四錢五分守禦各所用銀二錢廣州衛并永

安欽州靈山石城四所原無屯田不許濫用仰各查照施行

一實徵冊 看得各衛所開報紙割工食共用銀廣州四

衛二錢一分二厘南海衛一兩五錢肇慶衛一兩三錢惠州衛三兩碼石衛一兩二錢一分增城

所五錢六分從化所一兩二錢新會所五錢其餘衛所俱無開報為照前冊大抵衛所相同今已報者用

銀多寡不一據其報數伍錢以上者厄為濫費查得廣州四衛每年連底冊二本大約共單牌紙七十張

該報五分六毫寫字裝釘共銀一錢八分似為中制其守禦所用費亦少各定銀一錢仰各查照施行

一歲報冊 看得各衛所開報紙割工食共用銀廣州四

衛三錢八分增城所二錢二分韶州所一錢五分六厘六毫其清遠等衛所俱無開報為照前冊係造報

官吏旗軍人等歲報錢糧數目例諫一年一造查得四衛底冊三十葉計三本共用紙單牌紙九十張該

銀七分二厘寫字工食共銀一錢六分通共銀二錢三分二厘在外各衛大率數目相同今宜定擬每衛

沐銀二錢三分二厘各守禦所各沐銀一錢仰各查照施行

一軍單軍冊 看得各衛所清理軍伍事文冊嘉靖九年

巡按兩廣監察御史楊紹芳定議每年各衛紙割工食銀共十四兩一錢四分嘉靖十二年奉勅合為計處清軍事宜以便遵守事例改造軍單總

冊以後年終止造該年逃故軍單并新收軍士手冊繳部
 今廣州左衛附報嘉靖十三年分用銀兩刺出銀兩改造
 春耕魚鱗水漂文冊以後年分照數編右衛二兩四錢
 前衛一兩六錢後衛兩三錢五分南海衛一兩清遠衛亦
 又開每年一造清理軍伍文冊銀三兩一錢五分又開五
 年一造計處清軍事宜軍單文冊銀十八兩每年三兩六
 錢肇慶衛二兩五錢六分惠州衛十二兩碣石衛却開十
 年一造共用銀二十八兩四錢七分每年徵銀二兩八錢
 四分七厘增城所七錢三分從化所十兩新會所十四兩
 又開宣德四年以後清理軍伍冊江外各省腹裏逃故軍
 士文冊及地名總冊共用銀三兩五錢新興所三兩二錢
 三分韶州所開冊小清該勾江外腹裏逃故軍士文冊六
 十六本該銀三兩二錢二分八厘大清共冊九十二本共
 銀三兩三錢四分六厘其餘未報衛所大畧相同為照各
 年終造報本衛所逃故軍單并新收軍士手冊係見行勘
 合事例各該衛所官吏應令遵二年一造其大清小清軍伍
 等冊俱該停革却乃不行遵守甚至有開十年一造者有仍
 習舊規分小清大清江外腹裏者殊非立法本意今照當

一衛所經歷知事吏目官合得

年逃故新收軍士單冊數亦不一今宜定擬以後各衛所
 俱要遵奉勘合每年終將當年逃故軍單并新收軍士單冊
 造繳隨查四衛每年造報軍單軍冊大約計用騰造紙劄工
 食每衛定銀二兩各守禦所定銀三錢五分仰各查照施行

兩廣監察御史楊紹芳奏開辦員合得二名每名編銀
 一十二兩共銀四十八兩遇閏又如二兩每名員有司編銀
 一名本衛編銀一名績奉布政司明文議革俱行本衛編
 派後又開二名係有司編派從化所開報吏目合得二名
 共銀二十四兩派余丁出辦其餘衛所俱不見開報為照
 衛所首領官合得柴薪銀兩例不可缺今四衛既開已經
 布政司議革徭編合於軍衛出辦今後各衛經歷知事各
 合得柴薪二名共四名每名該銀十二兩共四十八兩各
 守禦所吏目合得柴薪二名每名銀十二兩共二十四兩
 遇閏月之年每員各加一兩共十三兩俱派屯田出辦若
 無屯田去處每衛點撥撥費軍人十名每所五名每名俱
 出銀四兩八錢閏月照例遞加銀兩仰各衛所查照施行

一霜降祭旗壽

看廣州四衛開報嘉靖九年蒙巡按兩廣監察御史楊紹芳議過每年止編

銀三兩但照本衛係附省衙門四衛指揮千百戶并吏典鄉宦舉人多衆合照先年及浙江杭州等衛事

體添銀五兩每衛議銀八兩方足應用清遠衛八兩碣石衛二兩四錢增城所五兩四錢從化所開報祭

旗合用火藥祭禮等項每年動支從化縣官銀三兩五錢收買猪羊品菓除火藥等項本所用銀三兩歲

派余丁出辦新與所五兩韶州所四兩一分三厘四毫其餘未報衛所大畧相同為照各衛所每年霜降

致祭軍牙六壽之神例不可缺但廣州四衛同附會城共在都司致祭查得該司每年已於布政司支

領庫銀十兩足以敷用今四衛又稱鄉宦舉人多衆添派前項銀兩計一年該銀四十二兩緣致祭旗壽

應自軍衛出辦亦止應軍衛官吏人等散昨而鄉宦舉人似無與及况既領官銀又派衛所出辦數多甚

屬冒監及照在外各衛所用銀亦有多寡不倫今宜定擬四衛每衛派銀二兩及都司於布政司開領銀

十兩買辦致祭其在外衛所每衛定銀四兩每所銀三兩再不許分外科擾亦不許有司出辦

一 成造軍器料銀

看各衛所成造軍器三料價銀兩近年奏准間歲一造料銀亦間

歲一徵通省各衛每衛該出銀四十一兩二分六厘六毫一絲六忽六微六纖七沙每年派銀二十七兩五

錢一分三厘三毫八微三纖三沙五塵各守禦千戶所每所該出銀十二兩四錢六分七毫一忽一微九

纖每年派銀六兩二錢三分四毫六絲俱均派在屯田照分出辦內廉州衛并永安欽州靈山石城四

所原無屯田合於該衛左右中前并永安等八所每年每所摘撥正軍一名每名出辦料銀五兩五錢免

其差操嶺南道衛所銀兩俱解各兵備道駐劄府州縣南海北四道衛所銀兩俱解各兵備道駐劄府州縣各

貯庫支給成造軍器仰查照施行

一 官軍馬騾用

看得各衛所開報紙劄工食共用銀廣州左右前三衛各一兩三錢二分二厘

後衛一兩八錢七分五厘南海衛四兩清遠衛四兩
六錢肇慶衛一兩七錢惠州衛五兩碣石衛二兩一
錢增城所一兩四錢從化所五錢新會所二兩七錢
雜與所二兩三錢韶州所二錢八分其餘未報衛所
大率相同為照官軍馬騾文冊例該五年一造今却
開報三年五年事體非異又却用銀多寡不同今直
申明俱照例五年一造隨查得四衛底冊一百二十
五葉計二本共用竹紙二百五十張值銀一錢八分
高字裝釘工食共銀一兩一錢四分衛計用銀兩三
錢二分每年派銀二錢六分四厘所用銀五錢每年
派銀一錢仰
各查照施行

一 慎選擇以重民兵圖冊

看得各衛所開報紙割工食銀
廣州四衛碣石衛三兩三錢

海衛二兩六錢清遠衛二兩五錢肇慶衛二兩
所二兩八錢從化所一兩五錢新會所十兩其
報衛所大畧相同為照前項圖冊三年一次奉
行本院行取造報例不可缺但各衛所用費多

同隨查廣州四衛底冊連皮約四十葉原造十本繳
報三司守巡等道以致費用頗多緣查每年俱係按
察司造繳本院奏繳則都布二司與各道似不宜用
今擬裁革以後每遇查取造報之期各衛所止許造
冊并畫圖各一本徑繳技察司類造其都布二司并
守巡等道與本院圖冊俱不必造止將完繳過日期
緣由申報查考以省浮費今定撥存衛底冊一本用
竹紙四十張該銀一分五厘繳技察司用冊
四十張該銀三分五厘工食用銀一錢六分
本工料用銀一錢每衛計用銀三錢一分每冊
一錢零三厘三毫各守禦所冊數頗少用紙不
冊止派二錢一分每年派銀七分仰各查照施行
一 小造戶口冊 看得各衛所開報紙割工食銀廣州左
十四兩八錢有零南海衛三十兩清遠衛十兩肇慶
衛五兩六錢惠州衛二十五兩碣石衛七兩二錢
分六厘增城所八兩從化所十兩新會所二十兩
與所四兩六錢韶州所二兩一錢四分其餘未報衛

所大畧相同為照前冊例該五年一造但各衛所
費用紙劄工食銀兩數目開報太多中問各衛所
官吏冒破侵欺情弊本當查究姑記隨查廣州四
衛底冊八十葉計造冊二本用竹料紙一查廣州四
張該銀一錢一分二厘寫字工食該銀三錢六分
通計銀四錢三分二厘似為中制今定銀三錢六分
所大畧相同為照前冊例該五年一造但各衛所
費用紙劄工食銀兩數目開報太多中問各衛所
官吏冒破侵欺情弊本當查究姑記隨查廣州四
衛底冊八十葉計造冊二本用竹料紙一查廣州四
張該銀一錢一分二厘寫字工食該銀三錢六分
通計銀四錢三分二厘似為中制今定銀三錢六分
所大畧相同為照前冊例該五年一造但各衛所
費用紙劄工食銀兩數目開報太多中問各衛所
官吏冒破侵欺情弊本當查究姑記隨查廣州四
衛底冊八十葉計造冊二本用竹料紙一查廣州四
張該銀一錢一分二厘寫字工食該銀三錢六分
通計銀四錢三分二厘似為中制今定銀三錢六分

一軍職官員賢否須知冊

看得南海衛關報紙劄工
食用銀四兩清遠衛二錢

惠州衛五兩碣石衛三兩六錢五分
新會所六錢新與所六錢五分其餘廣州等衛
雖未見開報但造報前項賢否等冊似不可缺為
照已開報銀數多寡不同今宜定擬每衛每年定
銀三錢仰各守禦所派
銀三錢仰各守禦所派

一大造官軍戶口冊

看得清遠衛冊報紙劄工食共
四十三兩碣石衛二十五兩二錢

五分增城所九兩四錢從化所十五兩新會所十兩
其廣州等衛所俱無開報為照衛所十年一次大造
官軍戶口黃冊該攢造原有奏准勘合今廣州四
衛亦不見開報合行申明今宜定擬比照小造戶口
冊則例量加紙劄工食銀兩每衛定銀四兩每年派
銀四錢各守禦宜定銀一兩六錢每年派銀一錢六
分仰各查
照施行

一刷卷

看得從化所開三年一造紙劄工食共用銀十
五兩其餘衛所俱無開報為照刷文卷三年

一次刷所皆然今從化所不知能有幾何卷宗送刷
却乃用銀數多本當查隨問弊姑記且照刷不遇整
點卷皮及用點單刷目紙張雖是不多亦係公務所
宜定擬各衛銀一兩五錢每年派銀五錢各守禦所
每所定銀一兩每年派銀三
錢三分三厘仰各查照施行

一官軍俸糧俸鈔冊

者得南海衛開報官軍俸糧俸鈔冊
紙劄工食銀八錢清遠衛五錢肇
慶衛開報官吏達官旗舍月糧總冊工食銀三錢五
分五厘又文武官吏開支折色俸鈔冊銀五錢四分
二厘惠州衛三兩六錢新會所官員俸給陳言等事官軍
從化所三兩六錢新會所官員俸給陳言等事官軍
食糧花名冊銀一兩八錢軍職官員俸鈔冊銀五錢
新興所一錢五分三毫其廣州等衛所雖無開報但
官軍俸糧冊係按月開支官員俸鈔冊係上下半年
開支例不可缺為照開報之數銀兩多寡不同今置
定擬每衛各銀一兩二錢各守
禦所定銀四錢仰各查照施行

一日用紙劄

者得廣州等衛俱無開報各衙門開報
行移紙劄揭帖工墨并陸續各衙門
取小冊公差飯食路費等項銀兩南海衛報三
兩此因地租銀數太多節年被其浪費侵越以致
冒破此外清遠衛二十兩又開合屬五所日
移紙劄并各項年例等冊及春耕實徵按月

官軍月糧卷冊等項每所約用銀六兩共銀三十
兩肇慶衛二十二兩二錢碣石衛三十六兩增城
所九兩六錢從化所二十兩新興所十五兩韶州
新會二所各十二兩俱為可惡不知各冊紙劄俱
已細泐而復用此何為哉一年卷宗寧有幾多哉
必係賍官倚此料欵本當查究姑記今擬定日用
紙劄每衛一年銀六兩其各衛分事務繁簡支用
每守禦所一年銀二兩其各衛所節年支用店
地等租剩餘銀兩自來不魯委官清查以致各官
冒破習以為常仰各附近府州縣正官查照本院
議定事理每年將該衛該所照數催解扣除庶各
軍職少知檢束不知任意漁獵肆行欺罔中間若
有奸弊查出治罪

一操軍硝磺火藥

者得新會所開報操軍祭旗拜牌
護日迎接 詔赦往來合用火藥
動支本所壕地硝磺銀兩應用韶州所開報操軍
迎接等項火藥共銀六兩五錢其餘俱無開報為

照各衛所每年冬採日逐下教場及一應有應合用
大藥似不可缺今宜定擬不拘衛所每年必確礮銀
二兩不許濫用
仰各查照施行

一填註冊

者得南海衛開報紙劄工食銀五錢礮石衛
六錢六分從化所三錢其餘衛所俱未見開

報隨吊布政司開送前冊到院查係考選軍政官員
事例該五年一造廣州四衛各書冊十二篇連四紙
三張裝皮一張共四張計算撫按三司守巡共冊七
本用連四紙二十八張共銀一錢六分八厘寫字工
食約用銀一錢六分八厘通計銀三錢三分六厘每
年必跟六分七厘二毫各守禦所計用書冊多不過
三四篇每本連皮約用連四紙二張計七本共銀十
四張銀八分四厘寫字工食銀八分四厘通共銀一
錢六分八厘每年必跟銀三分
三厘六毫仰各查照施行

一民情吏役冊

看得南海衛開報紙劄工食銀九分清
遠衛二錢惠州衛五錢礮石衛二錢五

一分五釐二毫增城所一錢三分從化所一錢新會所
一錢一分新興所九分六釐其餘廣州等衛所俱每
開報為照前項吏冊劄該一年一造俱不可缺已行
布政司吊取各衛所造報前冊每衛額設令典九名
五所司吏五名鎮撫吏一名共十五名計算用單牌
紙連皮二十張計底冊一本府冊一本布政司冊一
本部冊一本共四本用單牌紙八十張該銀六分四
釐寫字工食銀一錢二分通該銀一錢八分四釐守
禦所司吏一各用單牌紙五張底冊一本衛冊一本
府冊一本司冊一本部冊一本共五本用單牌紙二
十五張銀二分工食銀五分
共銀七分仰各查照施行

一陳言食糧冊

看得南海衛開報紙劄工食銀五錢五
分礮石衛七錢六分八釐其餘廣州等

衛俱無開報為照前冊係三年一次奉勘合行本院
轉行分巡道委官清查造報隨行分巡嶺南道吊取
各衛所造報冊前來查得廣州四衛冊各八十六葉
計結方雙牌紙四十三張造冊三本連皮約共紙一

一百三十張銀一錢九分五釐寫字工食約銀四錢八分通計銀六錢七分五釐每年派銀二錢二分五釐各該外衛大率相同守禦所大約該用紙劄工食三分之一計銀二錢二分五釐每年派銀七分五釐仰各查照施行

一 上班征進官軍年貌冊 看得碣石衛開報紙劄工食無開報為照各衛所官軍上班征進年貌花名手冊用費不多理不可缺每衛所計二班每班官軍不過五百餘名大約計其冊數都兵二府坐營官共三本各衛軍多每本約用雙牌紙十張二班計冊六本共紙六十張銀九分寫字工食銀二錢二分共銀三錢一分守禦所官軍數少合以三分之一每所派銀一錢一分如無官軍上班衛所不許濫用仰各查照施行

一 文職貼黃冊 看得南海衛開報紙劄工食四分新與二錢一分甚屬欺濫及查廣州等衛所俱無開報為照前冊例該三年一造各衛所俱不可缺各衛額設經歷一員知事一員大約計冊三本每本連皮用雙牌紙三張共九張計銀一分二釐寫字工食二分四釐共銀三分六釐每年派銀一分二釐守禦所止吏目一員量減三分之一計銀二分四釐每年派銀八釐仰各查照施行

一 操練軍馬冊及比較馬匹冊 看得碣石衛開報操練錢其餘廣州等衛所俱未開報為照前冊每年冬操軍馬例不可缺而紙數亦不多仰各該衛自行措辦造報其碣石衛開報比較馬匹冊用銀五錢八分新會所報銀一錢五分俱屬欺濫其餘俱不開報亦以上司比較操練甚少紙數不多止是臨期各掌印官自行措造不必分派貽害軍餘

一 議事冊 看得各衛所開報造冊紙劄畫圖工食并辭總兵府工墨共用銀廣州左右二衛各二兩

七錢四分前後二衛各二兩六錢八分五釐南海衛
 議事等冊三兩三錢又地理圖本工料二兩一錢清
 遠衛三兩七錢五分肇慶衛四兩二錢七分惠州
 石二衛各四兩五錢增城所圖冊銀八錢八釐二毫
 總兵府工墨銀三兩從化所四兩二錢新會所十三
 兩又開地理圖本二兩新興所開議事冊紙劄工食
 共銀一兩五錢解總兵府銀二兩共三兩五錢又開
 地理圖本紙劄工料共銀一兩五錢韶州所紙劄工
 食共銀一錢八分三釐解總兵府工墨銀五兩其餘
 未報衛所大畧相同為照前項圖冊例該三年一造
 誠不可缺但所用各有多寡不同及又另開圖本銀
 兩數多查得四衛底冊五十葉今議都司不用連底
 冊共計三本通計單牌紙一百五十張該銀一錢二
 分寫字工食計銀三錢畫圖二本工料銀二錢通共
 銀六錢二分今定擬每衛每年派銀二錢零六釐六
 毫六絲各守禦所定銀四錢每年派銀一錢三分三
 釐仰各查照施行其各衛所貼解總兵衙門類造前
 冊工墨銀兩因為相應但查該衙門類造前冊不過

紙劄筆墨工食而已今查廣州府每年四季解送紙
 劄數多應於其內支用及寫字工食亦宜於梧州動
 支官銀應用以杜衛所科歛以蕪軍餘困苦都司備
 將此條呈該衙門知會仍仰衛所今後不許辦解前
 冊銀以省
 濫費

一清理軍職貼黃冊

看各衛所開報紙劄工食共用
 銀廣州左右前三衛各一兩一錢
 二分二釐後衛二兩七錢一分二釐清遠衛二兩五
 錢肇慶衛一兩五錢七分石衛三兩六錢新會所
 一兩五錢增城所清理軍職貼黃冊一兩八錢又開
 軍職官員貼黃冊一兩八錢南海衛一兩二錢惠州
 衛七兩五錢從化所三兩部州所二錢七分六釐新
 與所一兩六錢二分四釐其餘衛所未報為照各衛
 所造報軍職貼黃冊供例該三年一次奉兵部勘合
 行取今各衛所却稱一年三年五年一造與例欠合
 及照貼黃冊亦當造送本衛所類裝繳報豈宜動用官
 本則文冊亦當造送本衛所類裝繳報豈宜動用官

錢派累軍餘於法未當合行查革今後各官每遇事
合行取之年自行騰寫明供照數依期若指揮緣事
立功者見在指揮同僚代出待後扣其俸給算除干
百戶亦照此代同僚和算徑送衛所類裝繳報丹不
許派令軍餘出辦如或各官願出銀錢或捐
俸雇人總造者聽從其便仰各查照施行

一陳言設官備荒冊

看得廣州四衛開報紙劄工食共
該用銀一錢一分六釐二毫五絲

增城所報銀八分其餘各衛所俱無開報為照四衛
底冊俱開成化年間積穀已經支盡絕數目舊套
造報凡衛所例該積穀荒既無前項積穀惟年終
詐用文移回報若見今積穀者聽自行冊造仰各查
照施行

一泛濫給驛并完銷勘合冊

看得廣州四衛開報二項
各該銀七錢一分共一兩

四錢二分解都司造冊紙劄工食支用為照二項銀
兩例不可缺但查都司每年造奏冊府部冊共三本

每本止用紙六七張所費不多却乃循習舊弊濫行
取用今查得都司既有舖店地租銀二百九十餘兩
在司公用前冊工食俱相應於內支用今後各衛將
此項銀兩革除不許再派該司亦毋得濫行取用仰
各查照施行

一憲綱冊

看得廣州左右後三衛各開出巡冊十本紙
劄工食共用銀各二錢一分二釐前衛七錢

七分清遠衛憲綱冊銀二錢其餘各衛所俱無開報
為照出巡冊係本院巡歷一年滿日查取造冊報而
憲綱所開二十八款多不干預衛所今查四衛底冊却俱
開卷有司并各衙門緣由通行繳報都布守巡等衙
門甚為無謂查得衛所止該報屯種軍餘一款并脩
過城壕一款前冊應合查革今後止將二款用文書
開申都司類造冊報再不許仍前通行混造緜
報各衙門浪費錢糧如違取究仰各查照施行

一脩理城池

看得南海衛開報本衛原有地租銀貯東
莞縣庫如有坍塌照依軍三民七事例申

呈上司動支條理危於軍人派辦為照各衛所原奉
勅合行該司通議定每年點撥軍餉銀送有司收
庫專備脩城支用今南海衛却將地租銀兩脩理查
係未嘗定擬軍之先該分守嶺南道議呈詳允事
理今宜改正地租銀兩番備別用今後各衛所但有
城池坍塌應該脩理者申呈上司委官估計照例申
請動支軍磚灰瓦銀脩理再不許動支地
租等銀兩及科派旗軍出辦仰各查照施行

一各首領官紙筆銀硃

着得經歷知事吏目官甚

自備人情似有不堪據肇慶衛開每年四兩三錢亦
似太侈今定擬經歷二兩知事吏目各一兩五錢以
養清操仰各
查照施行

一應革各項濫開數目

看得各衛所開報不該支用
銀兩如南海衛比較屯種冊

缺官冊行移勘合冊揭除貼黃冊中明舊例以復
職掌冊本衛預備官全齋冊路費銀十兩肇慶衛比

較冊惠州衛按季循環冊季報官軍食糧冊日逐往
來公差使客夫馬雇船等項用銀二十七兩一錢
解文冊等項用銀三十四兩碼石衛官員貼黃冊比
較屯種冊盜息民安冊陳言弭災冊傳奉冊增城所
比較屯種冊又屯種冊奉差人催趨公務公差飯食
路費等項共銀四兩五錢從化所比較冊行移勘合
冊布政司議處公用事銀四兩八錢新會所比較屯
種奏青黃冊新興所缺官貼黃冊行移勘合冊議處
軍機重務冊韶州所比較文冊其餘未開報冊所大
約相同為照本院定擬各該衛所一應造冊等項使
用數目俱已纖悉備載而在外衛所開報前項造冊
使用等銀廣州四衛皆一般衛所使用亦該一樣而
何在外衛所有派四衛皆不開派所據各項欸目俱
出無名濫用之費通合裁革仰各衛所通行查章再
不許仍
前科派

一各衛所開報該派出銀定例

看得廣州左右前後
四衛俱派屯丁南海

衛支教場舖店地租銀兩清遠衛摘撥正軍肇慶衛
屯田餘丁及查撥正軍惠州衛屯田實徵軍糧碣石
衛食糧正軍幼軍增城新會二所食糧旗軍及量檢
軍餘從化所十屯官田與正軍輪辦新興所點撥軍
餘韶州所丈出餘田花利海康所實有舍餘各派辦
銀兩支用其餘海南廣海神電潮州雷州廉州六衛
南雄德慶四會瀧水崖春欽州靈山連州龍川河源
長樂程鄉清瀾萬子門平海海豐錦囊永安海安樂
海門靖海捷勝甲子陽州南山昌化大城蓬州
民石城信宜寧川高州雙魚陽江海朗東莞人鴨香
山四十所俱未開報為照各衛所開報前項銀兩或
於正軍餘丁出辦或支屯田餘利或舖店地租等項
應用似於事體不一查得衛所但立法固在除奸而
行法尤須宜裕訪得廣州四衛餘丁情惡每年辦銀
八錢免其冬操但四衛屯田之數既多亦不許復將
餘丁徵銀以致空缺差操除將拋荒無徵屯田免其
衛所各項歲用銀兩編派以蘇困若俱於見在有徵屯
田照依分次各隨多寡論照所使用銀兩數目派辦每

分一分或一分五厘不等務足派定之數既不得多
餘以困軍丁亦不可少欠以累官吏亦不得既派屯
田又派餘丁兩下影射自肥囊橐告發從重追究其
新會所濠地與其餘衛所但有舖店魚塘等項一應
花利准作首領銀柴薪多則於進表內支用仍要明
立文案呈報合于上司若南海等衛韶州等所地租
餘田花利數多足敷一年各項使用者不許復派屯
軍餘丁此外復有多餘銀兩仍申合干上司及附近
府縣收貯如隱蔽不發不申即係侵欺許軍人具告
其蘆州衛并永安欽州靈山石城四所原無屯田者
俱照見在食糧旗軍均派派出辦及照雷州府議過海
康所止有屯田二所派用不敷要於實在舍餘七百
二十九名每名派銀一錢二分支用一節看得屯田
既少而派舍餘似為相應但與本院更定數目不同
及照該所每年該銀六十二兩二錢三分七厘每名
該銀八分五厘三毫七絲三忽一微五纖其本所無
微屯糧一百餘石近該雷州府呈議亦要餘丁派銀
陪納待清查屯田委官回報之日另行外仰各遵照

施行

一 看各衛所掌印官員更代不常又無庫藏可以收貯今派定各項銀兩必須立法稽考庶無遺奸今定擬除於當年支用者掌印官收掌首領官見數同支及軍器料銀隨年該解布政司及各兵備道住劄府州縣貯庫外其三年一造五年一造十年一造者銀兩俱逐年均派徵納完足照數俱解同城及附近府州縣明立案卷造入月報錢糧簿籍以備查考聽候至期支用前銀俱待當年十月秋成完送如過期不完該府州縣一面舉案催約一面呈報上司庶社侵漁之弊不致拖負之奸仰各查照施行

一 各衛所每年各項派銀總數者查得廣州四衛每年

兩三錢七分三厘六毫外十一衛每年每衛該銀一百一十七兩八錢七分三厘六毫外守禦所每年該銀六十二兩二錢三分七厘此外再有科歛一錢一分許軍人具告施行

清理軍職 巡按御史戴璟奏看廣東都司呈稱廣海

該吏不解一節情甚可惡除行該司速將違慢吏典提問及督令作急造冊元報外臣又查得節奉都察院勘

今劄付准兵部咨開嘉靖五年六年九年分各衛所勾軍文冊過限不繳題奉 欽依行提遠慢官吏節行廣

東按察司并各道分巡官查提潮州衛指揮陸武廣海衛指揮李緯并碣石等衛所掌印指揮等官開報延今

七年之上奸頑不遵解問參照各衛所掌印官廣海等衛指揮等官李瑣等十三員既奉勘合清理貼黃而故違 欽限參提該吏催督完銷而敢肆占悞俱合有罪法應提問但數內陸武已奉勘合提問除行分巡該道查提究問外竊照廣東衛所如潮州碣石廣海等衛所極臨邊海官員素習真頑每有犯罪經年累月行提或占掌印信或盜支俸糧公然桀驁不出習以為常以致政務廢弛勘合終不完銷若止照常例提問發落無以懲戒剔蠹以振紀綱恐將來效尤漸不可長如蒙乞勅都察院將李瑣等行臣提問照例發落仍查議合無今

後廣東各衛所軍職官員凡有犯罪累提不暇但經一年之上不出官者務要設法嚴提到官究問完日還職仍查自行提明文到日為始照依不出年限如一年不出者罰俸一年二年不出者罰俸二年若年數多者一體罰俸永不許管軍管事著為定例永

遠遵行以為邊方奸頑不才武職之戒

禁諭刁軍

巡按御史戴璟訪得萬州陵水環城池而居者皆係軍人而無衛每街則設更甲猶州縣

之設地方總甲也更甲肆無忌憚若犯大事則聲說入黎使擾化之民每以軍家為障蔽若犯大事則聲說入黎作反若犯小事則差人不敢往其家只得守候進城蘇政拘賊一進城之間捉獲即投入軍家群兇打奪及照所縣同城而居各不安職守互相仇害除將萬州所官祝特雅及陵水所縣官各追究外通合禁諭今後軍民官約勘田土檢驗苑傷各持公道務執正議毋得主先入之說有偏向之心以致事多不結此即不職其萬州人無盜賊并豪強梗化結狀聽州縣分付發放如有犯人

逃避軍家更甲亦德所在州縣差遣拘獲送官如違治罪或係軍職主持即便具由參申查究各州縣官亦不

許乘機查點科罰誣賈入已及於番在官致妨生理

嚴查解軍

照得永遠充軍乃下死罪一等胡可輕縱以畏其奸查得各府解軍多有日久不獲以官

明係軍解俱逃該府縣俱不嚴行拿解為照前項軍犯幸遇恩典矜恤待以不死却又得賊望蜀延推不解

一欲為子孫至計一欲省水陸盤纏彼皆甘心囑托該吏破產不恤上手吏典作弊而下手吏典因之以七利

彼亦欣然與之以為當然軍犯曰吾不着伍兄孫受福也長解亦曰吾不解軍空家督慶也是告吏典賊私有

矣未聞有軍解告發何也各以為利我而不以為利我也除將各吏究問外通合禁革各衙門但有軍解遠限

一月之外不獲收管者即係逃回作急嚴拿各家屬監併該吏敢有受財寬縱延緩不解及不查舉拘拿者查

出坐賦從重發遣

廣東通志卷之二十一 軍制 二十五
贊曰吁嗟東廣寇盜叅橫過海流沫入山吐腥負禹
有象吠堯無情燭龍遠照虺虎專征乃建衛所乃設
屯營分以叅將統以閩兵正若諸葛竒若陳平圍碁
卻敵緩帶行庭儋崖歸統山徭乞盟燭火秦白培塿
漢青是爲善將曹曰長城赫衣閱里赤丸覆形筐符
僨事渤海高名在折樽俎莫溢瓶罌軍法先計天道
虧盈蛙有怒氣鷄非惡聲維子光孝維臣罄誠事若
網戶軍能絕纓維民之福維國之禎短步駕駕翺飛
雀亭僉曰螽負而嗤公正鳴莫耻巾幗莫誇兒網卧符
難奪軍營罔驚不識可法李廣難行當監趙括當學
灌嬰嗟哉武弁懵懵一丁于茲詳告爾盍書屏